





温州市图书馆

WENZHOU LIBRARY

01060



温州市图书馆

WENZHOU LIBRARY

00010



温州市图书馆

WENZHOU LIBRARY

題韓致堯詩集

韓偓傷懷只自知，夜來風雨哭花詩。
名花端的難持久，却恨春風

開到遲。

詠史

前席休疑失賞生，英君未必便心盲。
漢家世世宗黃老，年少爭能

擅變更。

讀史漢書魏其

不識非真不值錢，當時罵座語云然。
魏其目裏無人在，試問筵間

孰是賢。

史可法入監探楊應山

模糊血肉不完形，猶有門生探故人。
望爾他年為何事，此何地也

爾輕身。

老讀

書到今生讀未遲、白頭正是讀書時、來生屈指無多日、新義重逢若故知、

雨華樓寫懷

我是閻浮身、外身度殘雨、夜與花晨、多情惟有花中雨、每到春深認故人、

花恨

曲欄迴護幾多時、花未全開人未知、待得人知花已瘁、忽驚歲月過遲、

病中却醫

百歲誰留不放身、難將草木補精神、良醫和緩稱名手、一到膏肓投莫伸、

阻雨

綠楊四月雨如絲、况值江天入暮時、忍聽一聲行不得、多情蠻鳥

叫高枝、

候潮門觀潮

白馬將軍怒未消、威伸八月浙江潮、登樓試把濤頭認、一綫遙飛

夕與朝、

廣陵濤比武林濤、萬馬聲中氣倍豪、看到雪山傾倒處、遂虞立脚

不堅牢、

隴山鸚鵡

隴頭鸚鵡憶君王、猶向宮奴問上皇、南內別來經幾日、誰知地老

又天荒、

花縣

洛陽三月雨晴花，十里帘開賣酒家。今日閭閻知務本，徧將隙地
栽桑麻。

明妃

莫道丹青玷美人，明妃由此踐胡塵。漢宮多少如花貌，豈盡黃金
誤此身。

愁

何人打破劇愁城，愁去愁來一例平。入世不櫻煩惱事，百年心地

自光明。

飲酒口占

飲我杯中聖與賢，人間那有不情天。百年盡作昏昏夢，獨醒誰吟

漁父篇。

扁舟

蘆荻灘頭一葉舟，隨風吹到五湖游。此中不載名和利，裝得霜天

月一鉤。

詩仙

詩到忘情境，入仙自然率我性。中天推敵賞，島成佳句終。落於心

作意邊。

人因見懶，誤稱高放翁句也。余因云

見懶如何，誤作高放翁。此語誑吾曹，老來自覺功名淡。樂做人生

半世豪。

李泌衡山

欲結衡山寂寞緣，懶殘多事勸衰殘。芋魁難饜尋常飽，却誤長源

二十年。

詩家贏得比興二字，故死處多活，不似文家一味艱辛也。

比興詩人眼所寬、填來死句活同者、個中消息知誰領、俎豆香山老將壇、

行活

紅杏村頭紅杏花、杏花村裏有人家、行活直到花深處、新酒帘挑

對日斜、

司馬題橋

未御高車過此橋、當時司馬也魂銷、自從諭蜀歸來後、西漢文章

重一朝、

黃庭經偽本

寫罷黃庭愛換稿、右軍法帖自多多、古來真跡今無有、爭奈欺人

射利何、

張旭

星洲市 公館

筆掃停雲墨漲烟，燭龍蟠虎認張顛。興來更散蓬蓬髮，鋪滿人間楮國天。

張姓官洞簫

一管洞簫舊板橋，傷心吹出為前朝。河樓水榭人何在，落日秦淮夜夜潮。

歲首

鄂伫西兮袞立東，雙雙刀槩舊威風。行人借問誰家宅，錫爵當年列上公。

家家追遠挂真容，欣喜兒童認祖翁。像否模糊參半似，呼呼之不應作痴聾。

雞黍前宵祝歲除，膾魚凍肉盛庖厨。今朝不買村頭酒，新釀搗黃飲兩壺。

冬日遠歸

鬢白髯蒼，泪點潜。一肩行李過山灣。霜楓不作人情態，染出新紅。

瞻老顏

落日孤行未出山，西風吹淚點衣斑。村無茅店招人宿，步趁星光。

萬樹間

殘柳

故人別我暮江濱，吟落天涯一斂巾。從此再思青眼到，回頭添得

嫩條新

鑄錯

曾聞錫子壽彭篔，未聞蟋蟀享龜鶴。蒙莊說理入翳障，鐵聚六洲

鑄一錯

秦淮舊渡

風雨湖山歸六朝、美人黃土最魂銷、行來長板橋邊路、莫向魁官
慰寂寥

幾家水榭夕陽西、蔓草荒烟蝕舊隄、最是無聊桃葉渡、青溪紅粉
兩沉迷

古意

一天字影雁橫飛、非草非真整整齊、欲借兩行問消息、慎郎冷煖
玉關西

默默停梭費遠思、迴紋織出寄郎知、邊郵風雪寒偏早、只恐衣裳
遞到遲

即事

賤者何如貴者優、益知賤者有千秋、當年號令君知否、死士生王
龍與頭

鷓鴣

虛堂步上西隅空，寂寂疎簾不捲風。猛聽先生一聲喚，回頭鷓鴣在雕籠。

行裝

寒暖衣衫納一箱，半箱猶貯古縹緗。行年八十回頭是，老日行裝費較量。

自署老樵

一樵昔日住商山，那有靈芝換老顏。四皓無心扶漢室，空留名號在人間。

博奕成名誚等閒，空遺老淚落潏潏。不謂更有旁觀叟，樵不樵兮柯爛山。

王仲蘭雪蕉齋詩卷題詞

九天珠玉偶隨風古近文章悉化工任說雕蟲是小技君家自唱

大江東

甌海波濤作健流岸屋難泊小扁舟商山綺季消閒句忘却崔君

在上頭

春日自近村歸

十里村頭十里花花開遍野人家歸來半醉春風路遠折花枝

壓帽斜

秋夜偶感

月影燈光相賽明候蟲唧唧可憐聲如今老作江南賦庾信文章

氣未平

明初三和尚

皇覺鐘聲龍馭翻泗淮起事奠元元誰知脫得袈裟下又把袈裟

昇子孫

萬里雲南作遊鄉，袈裟舊物兩相將。江南當日龍飛路，一着回思

一斷腸

不守禪關竟出山，預人家國事多艱。太孫承統一家業，何苦離人

骨肉間

尖山

不是當今古筆公，一巖禿露四山中。天嫌毛穎鋒芒鈍，削出尖兒

寫太空

漁樵

莫道漁樵盡日間，漁樵跋涉幾多艱。縱然不逐名和利，到底難忘

水與山

經過武陵

游山記

楊柳無宅招人住。桃花有源泛我舟。武陵太守太中熟。累却漁人

不再游。

累却漁人不再游。桃源無復泛扁舟。千秋一派長流水。祇洗秦人

一代愁。

旅夜聞猿

旅郎三更秋夜長。霜零九月已無陽。商山老叟孤眠下。不聽猿聲

亦斷腸。

河鯉

龍門點額已多年。燒尾何曾上九天。垂暮江河空鼓鬣。鱗鱗鱸鱖

共留連。

有情芍藥無力薔薇。二句遺山以為女郎之詩。論誠確矣。第

作詩一味雄壯。未免走入粗豪。與其假丈夫。不如真女郎。

新工自之書區效得下二三書言之實

也

杜思李筆兩千秋，儘有才人互唱酬。烏瘦郊寒傳白外，芳牙芬齒

擅風流

三百篇留婦女詩，周南冠冕在當時。刑詩重訂閨中句，一代吟壇

百代師

娛晚

鄴架曹倉翻盡編，三更燈火昔忘眠。如今老作埋頭客，四壁蟲聲

娛晚年

衛律背漢

靦顏甘作老胡臣，舊友新交兩勿親。蘇李河梁相酬答，曾無留別

到斯人

夜月偶感

不

明月三更下畫簾，愁人竟夕不成眠。
孤衾短枕淒涼况，空對嫦娥祇自憐。

擬江南春句

十里杏花十里堤，堤前芳草綠萋萋。
江南三月春光麗，添上黃鸝古樹啼。

新涼

年來氣體劇衰微，一遇秋深上竹扉。
喚到女孫搜敝篋，為翁檢取舊棉衣。

慰某婦

我勸嬌娘莫厭貧，三從四德備艱辛。
梅花今日遭霜雪，一轉頭兒便是春。

今朝陋室蓬頭人，他日華堂花誥身。
寄語釵環休見妬，人生苦樂

自相均

書某翁盛德翁好行善事有詢之者輒諱言之余不為指明
名姓從翁志也

雪中僵卧是何人認為同源一本親自脫綈袍作持贈休教冷暖

不相均

歲除忍餓是何人故友遺孤備苦辛喚到自家過殘臘一門子姪

兩無分

跛行跣足是何人老僕歸家算幾春屈指十年未謀面隨肩握手

話前因

夫亡子少是何人眾丐相隨到我門不吝錢鈔慰冷落歸來紡織

佐清貧

鬻嬰賣女是何人哭到別離淚滿襟暗把卅金挑戶內免教骨肉

洪武元年夏四月得車錄分書

起悲心

書香不接是何人、代為延師助館金、八歲孩童能作賦、三冬村塾

聽謳吟

仿王烈婦投屋詩

薄命紅顏馬上來、兩眶血泪洒哀哀、何人學把文姬贖、遂我飄零

雪裡梅

白璧無瑕死亦良、寧思朽骨葬家鄉、葦蘆踈稊膏人肉、草木無情

那解香

席上詠蟬魚分得一先韵

前生應是老儒先、八股文章密密圈、只為終身困矮屋、歸來落魄

住沙田

削髮頭陀光又圓、隨潮上下海中天、生來不念南無佛、吐得多多

齊工書元嘉區教單部七

口內涎

目蝦水母浪中液、惟有鱗魚眼在前、獨惜一生太貪墨、墨痕滿腹

少人憐

八月黃膏腹內填、特將供客上華筵、盤中粒粒梅花片、子蟬團臍

無此鮮

河源

九曲黃河接塞流、誰從星宿覓源頭、張騫歸後途經失、更有何人

再泛舟

河鯉點額

頻年點額上龍門、聲價於今重幾分、雖未盡除湖海氣、却偕鱸鮓

異泥雲

春歸

卷之三 吳正德車錄

四月春歸花落稀，子規唧片故飛飛。
東風一去無消息，嘒口無風不復啼。

春郊策馬

十里春風趁晚晴，一鞭羸馬踏輕盈。
長阡短陌頻經過，處處流鶯織柳聲。

春日早起

窻迎曉日半竿斜，燭起紅爐煮嫩茶。
喜得五更疎雨散，賣花聲已到人家。

賣得花花揀膽瓶，簷頭宿蝶夢初醒。
輕輕頻鼓雙飛翼，鑽入吾家破碎櫺。

春晚

西嶺猶棲半壁霞，歸鴉飛帶夕陽斜。
明花暗柳江村外，畫景多多

落我家

重登揖峯亭

五十年前此地游，至今幾欲喚休休。不知此後重來否，再為青山

半日留

雪中梅花

群卉枝頭未展芽，草茅白雪壓家家。玉兒欺得春光慙，破牖爭開

第一花

相思燈

一燈風味最相思，夜雨孤眠五漏遲。不是南邦紅豆子，攪人半醒

半還癡

海棠

廿四番風到海棠，無香有韻自風光。更添杯酒清閒興，枝上紅情

浙東省元嘉區後街鎮...

溫州圖書館藏

WENZHOU LIBRARY

作意忙

昔有孤山老鶴飛將去，猶為梅花滯十年之句。今屆十年之

期，而老鶴依然未去，因感而作。

身為梅花滯十年，孤山情事半推遷。迄今回首西湖月，倍覺淒清

不似前

林逋昨夜已登仙，老鶴無依劇可憐。畢竟欲飛飛不去，斷崖殘磧

度哀年

隨園

隨園園裏老頭兒，猶是猖狂壯歲時。邀得群雌作弟子，一簾芍藥

女郎詩

詩片

前村雨雪漫淒淒，更向誰家覓一棲。筆墨平生嗟浪費，荒亭古驛

浙工省元嘉書畫教習部七十五號

徧留題

十姊妹花

連理枝頭花正香、前身應是七姑娘、太真秦毓添三艷、悉趁春風

作舞場

是處遭逢是處散、一場作合一場空、予昔詠懷句也、今憶及

又得句

生生死死總無因、何苦今生再作人、黃土埋形凡骨朽、一經回首

賸灰塵

父子妻孥骨肉親、難言不赦我形神、莊周大夢連朝覺、切莫前緣

認作真

賢否智愚一例魔、自經去後竟如何、黃泉未必無相見、盡作悠悠

行路過

卷之三

白水美人巖

美人孤露水雲間、海日初升照玉顏、有似望夫身化石、風鬟雨鬢

倚空山、

宗留守澤

隱忍偷安城下盟、虜王懦弱總無成、縱教直渡黃河過、武穆朱仙

一樣情、

燕壘新傾

喃雛未畢忽巢傾、雙燕悲鳴訴苦辛、世上艱危差相似、流離失所

有窮民、

古松

濃陰古樹近千年、朝宿晴雲暮宿烟、老鶴一聲何處喚、嶢巖磧後

斷溪前、

枝枝節節遠相承，霜返還留一抹青。
竊比甘棠戒斬伐，千年遺蔭自亭亭。

立志

鷹犬功名世上多，虬龍事業究如何。
男兒莫遂青雲志，宦老空山

日嘯歌

秋中偶吟

四壁蟲聲占斷秋，青林紅葉兩悠悠。
不堪回首鶯花裏，麗日和風

作劇游

寒夜月下

霜葉飄零紅樹寒，老人衣薄覺眉攢。
分明一樣如珪月，獨自凭欄

獨自看

久客歸家

殘雪初融，烟雨飛。春風羸馬一鞭歸。門楹猶舊，兒童長，半倚晴窓。

半倚扉

嬉嬉對客，認鬢眉。似我匆匆忽訝非。走向廚中，詢阿母，老妻一見。

為歛歛

繁語殷殷，喜欲狂。不須鄭重看行囊。少年作客，江湖去，垂老歸來。

尚健康

為問兒家，生計忙。未麻菽麥動盈倉。歲時不缺，甘和旨，幸得春歸。

有宿藏

後庭花

陳宮一譜，後庭花。唱到江南麗日斜。可惜滿林春色好，景陽歸去。

已無家

閨中偶詠

新正... 卷之三...

殘柝聲聲夜漏遲，閨中少婦夢遠癡。
一燈明滅淒清下，訴向何人只自知。

濠上偶興

讀罷莊生秋水篇，知魚知我兩茫然。
人生自昧觀濠處，難向蒼蒼問彼天。

王昭君琵琶

琵琶出塞度聲遲，馬上胡兒那得知。
身在胡疆心在漢，千年青塚記相思。

邯鄲夢

我住邯鄲八十秋，甜酸苦辣已頻週。
如今但作尋常夢，不用先生

舊枕頭

野梅

野梅無主為誰開，何遜家中過去來。想是占魁無手段，被他呵護

下瑤臺

美人老去態還妍，一樣丰姿少壯年。玉骨冰肌無恙在，至今回首

乞誰憐

山中漫興

白雲深處有人家，一樣村農桑與麻。贏得科無估吏，閉門風雨

賦黃花

吳江夜泊

一輪霜月照船明，又聽風聲雜水聲。五字當年留好句，吳江冷况

畫難成

書冤獄

急湍之下有深潭，酷吏堂中定少恩。夜半旋聞庭鬼哭，誰從覆後

再翻盆

哀中偶成

人到哀中百事非、青絲白髮思依依、明知一去無回日、倦鳥歸林

想更飛

村沽

水村山郭酒旂風、曛得扶藜八十翁、解下杖頭恣薄醉、胡教哀暈

轉生紅

海棠信

花信平分到海棠、綠楊深處老春光、任教開到紅和艷、總是無香

度曲廊

雲江遇舊

小小扁舟短短篷、往來估客自西東、曩時不問名和姓、今日相逢

浙江省元嘉區德興鎮分會

是老翁

早知月洞通唐使人世何時妨有馬嵬此舊句也另續一首

人世何時妨有馬嵬梨花不害牡丹栽仙人宜有雙流淚手捧紅羅

笑口開

四皓

四皓茹芝養疲神商山幽處作閒人誰知却被張良誤不事興王

事婦人

首演抱斗劇

衝突曹兵百萬重懷中阿斗睡方濃長來依樣昏迷主辜負當年

趙子龍

丙申重遊泮水

游泮歸來日已西芹香好染舊儒衣留香未把衣來換笑煞隣翁

見也稀

八十四歲感懷

幡溪垂釣齊姜尚，抑戒編詩衛武公。我亦行年隣九秩，立功寡過

兩成空

鄧通餓死莫名錢，枉鑄銅山萬萬千。畢竟帝王難造命，幾誰搔首

問蒼天

雷塘

雷塘基對月，鈎斜陳隋當年共。一家回首可憐歌，舞地江南四月

落鶯花

隋煬帝

長城上號幾何求，曾笑隋宮鏡裏頭。添得荆溝千尺水，重為天子

浙江省天壽園後車鐘文書畫院藏書

洗無愁

蠶眠

箔上蠶眠不食桑，女兒省却一朝忙。試將短髮重梳洗，裝得雙

新樣妝

判梅雪案

雪為無香全占白，梅因遜白愈含香。千秋此案誰能斷，乞向東皇

作主張

殘梅

飛花片片落園中，行近庭前一樹空。却為老梅貪結子，令人錯怪

五更風

小扇面

分芥堂階逐水流，輕輕裝載小沉舟。縱然有日長風起，一縷蛛絲

作纜收

出山泉

清泉流出萬山間，一轉灣兒又轉灣。好似詩人才思鈍，千錘百鍊

幾多艱

歌哭詞

歌也有懷哭有思，當年心事倩誰知。後人漫把詩來讀，遙憶生前

下筆時

自題去思吟

去未去兮吟復吟，半思半想半欲身。消閒學作香山句，索解還須

待後人

八十二叟自題

商翁老去不猶人，鏡裏鬚眉白似銀。華屋山邱憑變易，一歡喜處

浙江省立圖書館藏

一酸辛

池上鴛鴦

池塘深處兩鴛鴦，交頸朝朝做夢長。陋彼雲衢天際雁，江湖萬里

獨翱翔

許愁

愁似春來水一隈，千波萬浪疊滌迴。分明決向東方去，又被長風

折轉來

哀翁居家多受磨，折作祈死句

老去獼猴恨弗窮，江天四月少東風。不如逐伴歸山去，長嘯一聲

天地空

早炊

荒雞催曉四更天，村上人家處處烟。想是田間勤穡事，盡教婦女

新正... 卷之三

不安眠

揚州夢

騎鶴揚州不計年，腰拋萬貫作游仙。二分無賴三更月，不買人間

糞土錢

十載揚州舊有名，非因一覺夢才成。千秋才子風流事，密報街頭

夜夜情

午夢

領取南華水色秋，先生招我睡樓頭。明知不是雙蝴蝶，一到華胥

不自由

晴雨諺

小麥青青大麥黃，秋針刺水正生芒。欲晴欲雨耕與刈，一樣村氓

兩樣忙

蘇州府志卷之...

聞杜宇

一聲杜宇一聲休、啼到三更月色秋、八十年空住世、曾無一事、

別花

子規難喚轉東風、花落空階片片紅、縱使他時春再到、相逢何處

覓商翁、

錢王入夢

還我河山宿夢中、識符泥馬渡江東、天成浙水偏安局、拓得西湖

作帝宮、

灘上鳧

灘上雙鳧傍母眠、秋風八月嫩涼天、弋人到此休思篡、饒我生機

滿眼前、

處世

怨恩何必過分明、涼水寒潭恨太深、留得些須渣滓在、涓涔參半

兩相成

重陽無詩

重陽天氣半晴陰、籬菊花開照眼明、可恨暮年詩思鈍、不關興敗

句難成

戒賣書

吩咐兒孫弗賣書、賣書求活最傷余、縱然不讀安愚魯、裝好厨中

養蠹魚

九月初五日檢亡兒琳遺稿

文留人去用悲傷、檢到殘編泣斷腸、當日烏絲填滿格、行行端止

在中央

鄧都怨

兀兀鄧都一郡城、城名枉死恨難平、人間縱有蘭盆會、鬼伯怎能

曲做情、

帶鎖披枷眾鬼魂、上天無路地無門、兒孫一滴劉伶酒、那有殘杯

到九原、

草

有別如何不慘神、三生石上昧前因、春風又綠庭前草、認爾原為

燒後身、

老泪

白髮顏然一老翁、無端情泪落眶中、傷懷恐被他人見、偷取羅巾

拭眼紅、

牡丹不實、明知世上空、花乳燕有巢、究竟人間浪迹、悵生離

之若雨情淚多多披死別之酸風鬼鄉渺渺杜蘭香一時
返曜豈真闌苑重逢韓湘子當日吟花直待藍關再遇爰
修兔穎更哭烏童

頻頻招爾返鄉闕未見烏童夢裏還三月久枯紅淚眼杜鵑夜夜
守空山

隨我歸兮隨我歸陰靈彷彿得相依夜中鼠動猶驚處說爾重來
是也耶

殘紅

爭奈東風已掃花林園無復一枝斜子規啼盡空山血猶點殘紅

落我家

自訂遺稿

鐵硯磨穿近十年詩成卅卷七千篇不知身後誰爭誦暑霽愁顏

到九泉

古墓

西風蕭瑟白楊秋鬱鬱孤墳落日幽
試問當年華屋客幾家痛哭

到山邱

卜子

卜子紛紛集院前殘羹冷炙乞人憐
不知余亦窮愁漢終歲全慙

一硯田

甲申十月燈下

人生時序嘆推遷衰老難追少壯年
回首昔時游釣處一卵一壑

倍流連

悼鶴

伴得梅花四十年梅花未落爾先仙
凄風苦雨魂歸夜曾記當時

交頸眠

過棲雲寺寄感

踏徧名場住此間白雲終日繞禪闕世人盡是勞勞者惟有高僧

占得閒

題漁樵問答圖

踏破邯鄲道上塵黃梁已熟夢何因功名富貴勞心事爭羨漁樵

意味真

問答前生

未轉輪迴誰是我輪迴既轉我為誰後身若問前生事水過重灘

風過枝

見歸雁有感

一聲歸雁聽遲遲萬里雲程萬里思西匿夕陽天欲暮利毛零落

詩人卷元 嘉慶御筆 卷之六 詩人卷元

倦飛時

題溪頭獨坐小照

夢冷飛羅八十年，功名富貴等雲煙。如今不向磻溪釣，歸坐林泉。

作散仙

孤山謁林和靖墓

處士無家也有妻，養來鶴子守柴扉。雖然不見門楣啟，曾向西湖

半壁飛

冬蘭

不羨三春種牡丹，嚴冬已自有幽蘭。芬芳竟體堪為佩，脫盡儒生

一味寒

雖無玉骨與冰肌，一樣寒梅瘦不肥。九畹餘安開暮歲，留將香味

贍柴扉

憶舊

牛衣相泣是何年、貧賤夫妻劇可憐、珠米桂薪難措辦、布裙典盡

又釵鈿

雨華樓遣愁

暮年不減步兵愁、雨意花情不自由、吟得愁詩千百首、無情歲月

任東流

世事

去去來來一局棋、兩人費煞幾心機、難瞞冷眼窺將破、不語旁觀

笑帶微

路贈詩少

日暮途窮分手時、帆游一別繫相思、他年重到蓬門首、沽酒邀君

共賦詩

詩之卷之三 吳郡後車 第六 卷之三 吳郡後車

客中口占

柳絮因風逐隊飛、漫天白雪訝霏霏、却嫌帝里縑痕重、素色還我

舊日衣、

詠史

土木塵銷落日西、戾園風接裕陵淒、誰知跋扈將軍歆、煉出忠臣

冰雪肌、

檀道濟量沙

自古帥行有采薇、未聞沙亦可充饑、唱來深夜籌聲急、倉粟紅陳

是也非、

清流

出山怎比在山清、一度濼洄一度更、流到盡頭渾濁處、任憑有口

說難明、

忽被太陽收拾去，却教明月送將來。此詠花影句，余翻之。
既去重來總是空，茆亭倏忽有狂風。從前是是非非處，盡付邯鄲
一夢中。

午睡

午夢嫌他長似年，一輪紅日正中天。醒來已返西山照，碍却沉沉
夜裏眠。

求真

試問昆明撥劫灰，本來面目幾塵埃。任教池水年年洗，祇認骷髏
戴肉回。

秋江共泛

涼生坐峽風初定，月滿洞庭水始波。短櫂孤帆秋泛夜，今人那讓
古人多。

昔人詩云誰知夢裡猶辛苦千里鄉關一夜遠蓋言勞也

千里鄉關一夜遠片時行過萬重山人生死後魂如夢不似人間

行路難

千里鄉關一夜遠游魂何用泪潸潸一經涉想行隨到父母妻孥

在目間

四女歸窻數日有事即去心中怏怏作此紀之

匆匆別我太淒涼握手臨行話短長老眼偷將珠淚拭恐貽去者

益悲傷

偶詠

季子秋風冷敝裘歸來妻子少溫柔人生苟未揣摩熟莫向江湖

作浪游

銀河渡

浙工省承嘉慶教諭鄭七卷竟皆安員會

兩界銀河共水流、想應天上亦防秋、不然牛女相思夜、呼徧沿堤
少一舟、

近體詩七律

甲申新正感詠

人生最苦老來貧、花甲週零十一春、身後牛衣尚愧我、眼前犀角

待依人、江山風月攄懷少、離合悲歡得句頻、廉恥道微取與亂、豈

真衣食兩艱辛、東坡有牛犀角

學吃虧

為人最是吃虧難、下氣吞聲并抑顏、占得十分形影瘁、讓他幾件

夢魂閒、和盤脫算世多忌、倒篋傾囊我勿慳、竦手須防成怨府、何

如老子學癡頑、

白雲庵紀游

一聲清磬滿林幽，出岫閒雲滯嶺頭。
猿狖耽僧爭法座，魑魅悟道據經樓。
人間琪樹隨心植，天上瓊宮任意游。
若問支公今在否，朝花宿草自千秋。

寺中舊有老僧

山莊

獨坐溪崖首用翹，閒雲一片束山腰。
肩頭曾荷劉君鉢，林下空懸許子瓢。
昔有勳名寄耕釣，今無物色到漁樵。
自嗟佐霸匡王畧，付與長江早晚潮。

春晚登樓

少時歲月任悠悠，老種名花合自羞。
筆硯未曾答知己，公卿早已謝交游。
五千詩稿聊供蠹，七十年華半入愁。
最是一番寥寂况，每當春盡獨登樓。

辛卯四月十六夜月食作

浙江通志卷之三十三 藝文志 詩

月馭無端失舊光，清輝暫爾暗華堂。非同死魄逢三五，但聽星家
算短長。有缺神仙容易補，無私造化自能償。村中鼙鼓逢逢奏，回
首蟾蜍又吐芒。

鸚鵡洲

芳草淒淒綠滿洲，姓名偏假羽毛留。三搥狂態誰能忍，滿腹牢騷
祇自愁。歲歲孤魂來往吊，茫茫恨水古今流。才人身世如斯矣，七
子詞華落葉秋。

宵江渡

水湊平江綠染螺，雙鳧出沒戲微波。蘆花隔浦飛來細，楓葉沿堤
落處多。縣近無煩頻遣戍，民勞已鑿再提弋。自從鼓散金錢後，官
渡時聞擊楫歌。

哭潘楚籬

同治年間金錢會
匪作亂旋平

中表相知四十年，占逢驛馬竟遊仙。壬歲午當桂香已落中秋雨，負樹

旋摧九月天。上月猶欲赴試及貢別淚幾曾傾碧海，誅詞那得達黃泉。

粉榆一水盈盈隔，花謝河陽斷碣邊。

西州門

羊曇心事幾人知，不到西州却為誰。宿草關心甥舅淚，重泉回首

死生悲。一庭紅蕊分榮悴，半郭青山感盛衰。誦得醉中曹植句，山

卯華屋兩迷離。

梅花

嶺上疎梅凍入微，花情雪意兩忘機。風生壽邸黃金屋，月落何郎

白板扉。最是有緣難却瘦，別因多恨總輸肥。未償和靖孤棲况，今

日孤山樹樹非。

過謝皋羽墓

巖水灘頭日夜流，謝翱靈爽此淹留。
生借信國流離瘁，死伴方干寂寞愁。
孤艇國錫誠萬古，一山夜月自千秋。
殘軀寄托烟霞外，率土王家賸此邱。

杜牧揚州

密報街頭不自由，揚州風月許勾留。
除非牛相誰知己，只是青樓浪遣愁。
千古才人多落魄，一朝名士總風流。
自從薄倖傳詩句，爭賴年來夢覺收。

靈武臺

唐室中興建此台，暗天紅日上蓬萊。
驪山風雨三宮閉，靈武乾坤一夜開。
太子直扶龍馭起，上皇始向馬兔回。
聞鈴斜谷傷心夜，未必吾兒盡不才。

金川門

遂燕高飛上帝畿，金川門外伏戎機。
移藩一疏原先見，行避千秋惹後疑。
仁愛不忘先帝似，慈悲祇合大師宜。
周公不恤流言謬，空悵成王焚已癡。

寒燈

生來薄命欲誰尤，瑟瑟西風入聽幽。
纔抱餘膏繼長夜，偏從舊簡促新愁。
美人契濶懷千里，紅豆相思寄一樓。
今日慙欄雙淚下，總為搖落重悲秋。

蕭曹相業

不挫蕭曹刀筆鋒，漢初命世出英雄。
詩書莫造生民福，黃老曾參建豎功。
水火人心畧安輯，干戈相業兩從同。
自污田宅兼醇酒，識破彭韓鮮令終。

瞿式耜

常熟人字起田留守桂林東皋其家園也

東皋嘗構草堂新，粵嶠馳驅備苦辛。故國已更遼，悔日小園不屬。

逆臣身。時捕逆命諸臣家屬桂林草創虛留守，榛樹荒涼泣鬼神。國爾原來

家不顧，可憐惆悵作歌人。

宋高宗

半壁東南殿枕湖，中興時事足長吁。孤忠誓志驅胡虜，孱主甘心

守片隅。五國城中生帝泣，三聲河上死臣呼。杭州畢竟錢鏐業，遂

我江山舊版圖。

陳思王

派出天潢本不羣，人間貴賤隔泥雲。干戈宇內紛爭集，手足心中

甘苦分。三國英才誰悟主，一家詞賦獨憐君。千秋煮豆少憂思，終

是文章得解紛。

八十自述

老去閒居問這麼、一燈長夜恣吟哦、文章誤我誠非少、歲月磨人
却已多、豚犬兒孫今若此、馬牛祖父復如何、飛熊不兆明王夢、把
釣空嗟白髮蟠、
七旬自壽有新詩、回首於今八十時、庭桂摧殘嘗抱恨、苑蘭葱翠
尚留思、俚詞添上千千首、故態還他一一癡、朝靈欲晞留數點、不
堪予子到遊遊、

隋煬帝

錦纜牙樯紀勝游、風流天子自無愁、雞台行樂三生夢、寶地初迷
一夜樓、畢竟雷塘銷恨骨、豈知菱鏡可憐頭、他時後主重相會、猶
愧庭花遜一籌、

漁策

一叢蘆荻晚涼天、秋雨秋風滿釣船、明月前宵江上卧、輕煙今日

柳邊穿短長亭畔無人問
冷煖場中着意牽
一榻羲皇端的似半

生結得古因緣

山海關

即古榆關徐達改名山海

重重海霧壓山低
山色冥冥海氣迷
鼓角萬聲連地迥
旌旗千里

接天齊烟浮碣石
遼雲暗日落臨榆
塞草萋險隘於今成坦道
將

軍何事逐霜蹄

經古墓

龍蟠東隴虎西眠
古墓行經思惘然
幾處殘碑橫故道
多年斷碣

卧新阡山印未了生前恨
華屋空餘死後憐
欲訊官銜知何代
無

言翁仲夕陽邊

登江心東塔

白鹿城邊一水通
千年塔鎮大江東
日扶員嶠羣山赤
浪湧平沙

滿目紅指點三洲青海外分明九斗畫圖中登臨無限悲秋意大地茫茫到處同

步友人登西川南城元韻

蠻雲瘴霧映高樓作客頻年坐上頭十載鄉關千里夢百年心事半生游傳來羌笛梅花怨聽入渝歌塞月秋試問西川更西望嚴霜凍雪兩悠悠

西川城郭控西郵九月秋高露氣稠鳥道只今車馬路露叢自古帝王州隗囂故殿尋荒隴皇叔威名壯古邱風雨登臨看杯酒與君一洗畢生愁

空江霽雪

雪霽雲江景色幽誰家珠箔捲高樓先生繡榻文茵外秀挹寒山古夜頭出谷流鶯啼暖樹試波尺鯉躍清流漁舟昨夜揚帆去魚

復隨風聽棹謳

旅懷

長庚西耀照柴扉。夜色淒淒冷湊肌。明月半歸雙蠟屐。秋霜已換
一寒衣。池荷衰謝紅房寂。堤柳飄零青眼稀。風雨床頭蕭瑟處。孤
燈客况寄鱸肥。

黃鶴樓

崔顥題詩在上頭。謫仙甘自讓風流。禰衡才藝偏罹禍。漢魏河山
此架樓。閒任白雲經去住。幾多青蓋為勾留。千年鸚鵡洲邊渡。落
日笳聲上戍秋。

有感

北雁南來邈地良。露翎霜翮路忘長。不辭海角蛟螭窟。惟愛江南
雲水鄉。患難相依棲故隴。死生獨守泣空床。人情涼薄知奚自。翁

詩人卷之五 嘉慶御製 卷之五 詩人卷之五

子微時有下堂

同友游山

當頭靄靄層雲，日落桃源沒暮曛。欲采朮苓忘荷鍊，偶羅荆棘

待揮斤，神仙城北當年計。雞犬淮南此地分，幾處草廬依樹結，中

天巢許暫同群。

登瑞城有感

丁丑年城經錢匪圍攻十日，不破，城外屋焚燒一空。

獨上城樓日已西，旌旗捲處鳥空啼。雲江繞郭潮來急，漁艇歸帆

岫泊齊，十里偏陽誇鞏固。千聲倉葛掃鯨鯢，年來締造經營後，柳

滿長堤花滿溪。

自三都下山買舟到縣城，時夕陽在山，清風滿袖，感而有作。

攀罷巉巖又問津，一天暮景趁殘春。有情野鳥頻頻喚，魚主山花

色色新，幾樹皴松青似鐵，半河爛浪白如銀。瑞城此去無多路，但

見清風起水湄。

丙戌十月上旬作時年七

老境婆婆春復秋，霏霏白雪漸盈頭。一生飽煖兒孫計，百歲門楣

哀替憂修短，難由大造定艱難。直到蓋棺休，茫茫前路誰知己。萬

里江湖一葉舟。

歸鶴

鶴翥長空不住飛，回頭猶自下柴扉。林逋去後無消息，丁令還來

認是非。羽潔遙翻朝霽雪，頂紅深透夕陽暉。林家山水今何在，探

取梅花意味微。

錢塘

鳳舞龍飛控上游，錢王曾此記勾留。三千鐵弩潮威退，十四神州

霸業道禹穴山川連。一水武林締造獨千秋，生前白馬消餘敵，死

後洪濤淡宿愁。

閱二弟愚如閒居吟數十首仿作四首

寒夜孤燈聽嘯猿。滿腔心事向誰言。青衿那足榮身後。白髮何人

悟道根。百歲難溫已冷骨。三生空悵未歸魂。兜孫繞膝空花耳。一

到山邱總勿論。

一轉輪迴便有家。不能由我走天涯。秋深誰作長青草。春去難澆

不落。花枉有空名留宇宙。漫矜畸行老烟霞。閻羅催促歸山去。顏

已蒼蒼鬢已華。

蝦簾高捲射斜陽。老去頻經歲月長。有子誰云身不死。弗醫嘗慮

體難康。謝池草是春前綠。陶徑花餘雨後黃。強步扶鳩行十里。停

車問字答偏忙。

暮雨晨風入晚年。賈生落魄向誰憐。推敲不遇韓司馬。吹燒嘗懷

白樂天詩到布衣雄一代人當盛世接唐賢
泉途若遇長洲客此語然乎或未然

鮑河野望

兩流水合一流平碧色天隨蒼色分
歸鳥翻林飛路遠斷虹留影
挂山明野花漸落群蜂靜隄柳中分
一騎橫滿目新秧初上馬村
兜餉饒隴頭行
千畝魚鱗西并東大河水赴小河通
一犁黃犢春深後萬縷青烟
夕照中淺水浮苔濃更綠殘花留樹
沒還紅鄉村四月餘寒退換
得南來幾陣風

候潮門

獨上錢塘埭郭臺吳山越嶠兩悠哉
峰迴天目嵐光遠思入餘杭
爽氣催半壁雨收斜日去滿江風送晚
潮來胥王威嚴今猶在八

月秋颺盛宴開

巴子臺

川中巴子騰高臺，蜀國山河入眼來。江水遠從千漲下，砂塵深逐

百蠻開。武侯籐甲戕生路，馬援明珠構禍胎。風雨登臨試回首，陣

圖柱跡兩蒿萊。

遣愁吟

一度思量一苦辛，世間那個自完真。春花從古傾名士，香草由來

誤美人。我豈屈原半醒醉，君希賈誼亦沉淪。何時逃得家懷累，修

到逍遙物外身。

謝舉羽墓

軍書無復寄孤舟，崖海歸來落日愁。末局河山都破碎，前朝碑碣

枉搜求。生依丞相飄零瘁，死逐桐江日夜流。七里隴中魂魄戀，年

浙江通志卷之三十三 藝文志 詩 謝舉羽墓

年殘照下松楸

登金山寺浮圖

高上金山極望平，浮圖七級浪中生。晴瀾細烟黃金色，夜火遙分

黑渡明水氣連天，迷倦眼江流落日變秋聲。休誇天塹難飛渡，曾

見降王出石城

迎老佛

昔年燕子上金川，度牒袈裟去幾年。天子一家新骨肉，皇孫八秩

舊姻緣，海南不合留僧葬。直北盜堪証佛禪，故國歸來難寓目。燼

餘宮殿鎖寒烟

南都懷古

龍蟠虎踞石頭城，明祖當年帝業成。可恨放桐非太甲，何須灑耿

而自邈學盤庚，虛銜五部尚書篆。實授長江提督營，畢竟後亡惟片

土猶留南渡說神京

登江心嶼

孤嶼颯江水色長臨流不見媚中央
數椽佛院傳薪火二代忠祠

接辦香嵐遠九山瞻晚氣峰撐雙塔射朝陽
商翁垂暮留連興落

日空江一味涼

路逢故友

頻年客思寄閩河春換輕棉夏葛羅
村酒市開兵燹少山人家住

竹林多旂亭桃李花容老驛路風霜雁影過
今日與君重握手可

憐歲月半消磨

山椒破廬

茅龍去歲未更衣風雨飄搖左右飛
有隙見天垂曉露無痕補丸

漏殘暉鼠牙雀角詩人屋華障籐蘿寒士扉
得過且過權住住何

年重觀舊飛輦

答孫琴西渠田昆季見問

老友頻頻問起居，起居久作病貧餘。無錢拄杖行多窘，有願盟心

事竟虛，自別卅年慳塵論。每因片紙連魚書，冀君恕我情多慢。終

日昏昏守敝廬

壬辰除夕

屈指明朝八十秋，殘棋未着一枰收。釣游昔日山和水，歌哭今生

壑與邱，輸却孫郎雙碧眼。贏他魯叟一魚頭。近藉一目猶一年心

血行將盡，縱有詩章祭得不

客途暮况

江流曲曲短如長，一片孤帆挂夕陽。萍跡無依波上下，笳聲有恨

聽悠揚，征途萬里歸心急。水驛三椽暮景涼，分付梢公牢寄泊。夜

行怎比早行強

書桃花源記

桃花流水有前因，招得漁翁去問津。
雞犬自添新甲子，衣冠不改舊秦民。
烟霞世外乾坤古，山水寰中棧隄真。
依樣朱陳村裏事，至今爭羨武陵人。

消愁吟

生涯無計物緣慳，身世浮沉半度閒。
薄命文章遭白眼，恣情游釣老青山。
兔鳥天上快飛走，寒暑人間妙往還。
勾漏丹砂何處覓，難將靈藥駐蒼顏。

自遣

讀經讀史費商量，空抱餘年祇自傷。
蓬華樓遲銷白晝，燈幃早晚醒黃梁。
生前我自塵廉恥，死後人憑說短長。
八十平頭差強健，聊

新工... 卷之三

携鳩杖步徜徉

放翁有十二月初一見梅花詩予前自永邑歸于十一月廿

五日已見一枝花矣

大雪初交便見梅西風颯颯報花開地非嶺上初回煖天為人間

早占魁何遜座中渾未覺林逋家裏保無猜步來東閣朝晴外陟

從送清香上玉臺

五盤溪

五盤溪上有人家猶是禾麻猶是花楊柳樓臺春晝永芙蓉沼沁

夕陽斜逕鋪白石三叉路村護紅雲十室霞猛聽兒童鄉塾讀半

經適口半聾牙

郊外閒步

鳩杖扶身步不揚半經夕于半思量此心弗作名場想斯境真稱

老死鄉野蔓不栽生自植
零花無艷臭偏香
興來賦得閒行句付
與東風說短長

遊春

十里長堤去去身
青陽滿目淨纖塵
天容盡改流光舊
淑景還求
樂趣新
芳草有情都繫馬
鶯花無主好留人
老來反作少年事
挽
住將歸有脚春

苦苦吟

雪蓋青絲霜染鬢
昏昏隻眼見無前
行來十步九防跌
夢醒三更
再不眠
世故多端偏我枯
物情少合讓人賢
天天餬口須餽粥
只是無牙劇可憐

除夕守歲口占

爆竹聲聲五夜遲
家人圍坐狀如癡
分將餅餌兒童喜
檢取衣裳

明早披大地，俄更新歲月。敝廬祇守舊門楹，堂前白髮雙親健。笑語團圓樂不支。

方孝孺

草詔原思借老成，誰知水火不相承。立孫本出先君意，彌祖偏傷一本情。假使成王依冢宰，豈容太甲讓阿衡。鷓鴣毀室重生變，萬世難逃一字名。

春日書懷

綠楊三月雨晴初，檻外群花到眼舒。紫燕啣泥營舊壘，黃鶯學轉弄新居。柳堤十里迷烟徑，竹院千條覆野廬。贍得詩人吟好句，一番幽賞一躊躇。

墮落

墮落塵埃血肉身，備嘗苦辣與酸辛。精神花草春多暮，歲月冰霜

溫州圖書館藏

氣屢增儘有金繩開覺路竟無寶筏渡迷津吟成賈島詩因白面
目何人認我真

甲午元日

殘冬歲月又更新薑桂餘生味帶辛子姪行中誰唁我親朋隊裡
半無人椒花映雪空辭臆鵝酒盈樽枉買春負郭顏田田盡鬻一
編送老自居貧

春遊暮歸

春郊十里短長亭亭外頻聞游屐聲海日出林朝雨散山雲擁樹
暮烟平啼鶯未了遶喬願語燕難忘築壘情景色留人行緩緩歸
來村火照顏明

揚州

南徐北固水油油舟泊維揚烟月樓名士題詩思共賦美人把酒

快同游、人生只合風流死、事業須從薄倖收、我亦當年狂杜牧、十年舊夢未回頭、

江村四月

江天曉色已平明、隴畔秧歌節次聽、紫燕啣泥春入夢、黃鶯織柳雨初晴、牡丹信簇紅樓重、楊柳風和綠線輕、把筆題詩得佳句、半經作意半忘情、

紙帳

擬却羅幃傲素封、裁來尺紙奪天工、閒從月夜消甘夢、慣向花天挂太空、寒士行裝茅店裏、詩人韻事草堂中、一爐茶鼎收殘後、剩有飄飄捲北風、

竹床

羞將逐熱下陳蕃、一枕清涼不耐煩、但愛此君胸絕俗、何妨惟我

夜無溫多情未拭湘妃淚入夢誰招楚客魂最是黑甜酣睡熟半
窻紅影淡朝暾

湯婆子

香泉傾鼎沸黃昏伴我孤衾蝶夢溫氏族端推天水郡性情難合
玉冰魂銅山豈必真嫌臭息國何妨自寡言差幸老妻常不妒朝
來嬉笑問源源

竹夫人

一枕秋涼未轉新滌煩端合伴夫人性雖附熱庸耽佑心自懷虛
常帶春淇岸家聲媚淑德湘江名胃結芳鄰貯來豈必黃金屋草
榻茅廬亦出塵

夜坐

皎月三更照滿樓商翁夜坐思悠悠一生文運慳青眼百歲詩囚

度白頭。節屋淒風。二部淚。孤灯含雨。致竟愁。休忘遲暮。迢迢地。川

上多經逝水流。

百尺古松

兜孫高下列陳陳。共沐殊恩。雨露勻。五夜風聲爭伴我。一庭月色

劇愁人。殘身早沒嚴霜黛。餘韻常留不老春。大匠賞從強墨外。空

山幾許保天真。

送友赴陝

送君午夜唱驪歌。匹馬咸陽輕易過。旅館鶯花如意少。征途風雨

不情多。劇憐丸上青霜肅。回憶家中白髮皤。游子衣痕慈母線。休

令歲月悔蹉跎。

寄李協九老友代柬

長日無聊坐小樓。拈將韻語寄交遊。多年契濶音書隔。片念相思

筆墨酌食息起居恒戀舊功名富貴合歸休
他時井里邀杯酒春
韭秋菘味自悠

紹興謁六賢祠

黃忠端諱尊素倪文貞諱元澂施忠介諱邦曜周文忠諱鳳翔劉忠正諱宗周祁忠敏諱彪佳

六賢氣節自光明明季綱常賴此貞於越山川鍾特厚名儒生死

視交輕成仁取義希前哲薦藻羞蘋肅後生守土官僚重葺舊辦

香一炷謁檐楹

馬中錫元世祖祠詩曹潔躬以為絕唱予因仿作

宋家帝運一朝終蒙古興王位宅中故相黃冠仲亮節遺臣白水

鑑孤忠天教大啟遼金業人思平分唐晉功今日寒鴉啼老樹百

年祠宇悵愁風

匡山懷古

海上君臣舟上朝，匡山落日度昏朝。瓊鄉煙雨忠魂降，燕市風霜

正氣消。頒到蠻邦誰正朔，輔懷少主又垂髻。傷心燭火無餘燼，淚

洒遙天夜夜潮。

揚州梅花嶺

梅花叢裏葬衣冠，南渡文山正氣存。半嶺冰霜沉毅魄，一邱山水

浣忠魂。生殊復社清流黨，死受新朝卹典恩。風雨揚州城北路，西

湖浦墓不同論。

七夕詠牛女

歲歲銀河架鵲橋，神仙未免累情傷。相思久積言難盡，逋負多端

數莫償。罰我千秋良夜短，惱人一夕寸心長。人間夫婦團團處，笑

爾孤衾獨擁涼。

古戍

何來殘柝一聲聲、聽澈荒雞五夜鳴、
砥柱千家金線淚、夢魂萬里玉關情、
漢家屢費匈奴餉、唐代曾營土谷兵、
畢竟封侯誰燕頤、男兒到底恨難平、

落葉

伴得春風不到頭、滿山林樹又驚秋、
洞庭水冷波初靜、遼海霜凝歲欲週、
畢竟美人怨遲暮、誰憐游子有飄流、
塞垣九月蕭疎處、夜夜相思夜夜愁、

俗言一莖草自有露蔭、因推言之

生機造化本非慳、事事安排身世間、
變化魚龍無淺水、居游麋豕有深山、
功名富貴殊通塞、離合悲歡妙往還、
寄語世人須待運、莫因暫屈怨多艱、

雨華樓收拾遺稿作

一生筆墨付雲煙，浪費精神只自憐。豚犬庸愚慚種子，蠹魚吞蝕

作神仙。少陵西蜀傷懷日，摩詰南山待盡年。還有青雲諸後輩，時

來披讀小樓前。

憶亡弟潤山

匆匆別我太傷神，良藥難醫不起身。廿載分飛雲裡雁，弟亡年十

年遙憶夢中人。占成鳳卜虛琴瑟，聘妻周寫就蠻箋香羽鱗。余每

書寄風雨一庭清絕處，池塘草茁杜留春。

枕上漫吟

無私造化竟無憑，熱作紅爐冷作冰。成廢何嘗寬手足，粧間只得

謝親朋。茶濃飯軟多堪適，髮禿牙童百不能。未到五更偏欲起，一

聲清磬聽山僧。

感懷

情絲已斷續難牽，好把桑麻種墓田。
花落不留三兩朵，鶴歸空戀一千年。
從無藥起離魂病，怎得方傳換骨仙。
天幸前緣猶未盡，可能同穴伴長眠。

館中偶成

已近清明尚峭寒，岸來青情舊莪冠。
刺將獸炭頻煨火，塌到鴉經屢廢餐。
鶯穉誰憐聲帶澀，梅黃總覺味留酸。
一年春事如斯矣，惆悵雲端日兩竿。

初夏排悶

寸腸百結苦難支，九曲紆途入武夷。
舊病不痊新藥力，長更偏度短心思。
十年好夢難留我，七秩光陰欲待誰。
三頓一眠羞我死，消閒全仗百篇詩。

野興

十里粉榆匝暮烟，開窓四望正茫然。青黃接壤逢三月，生死關心

又一年。去冬兩老興漸隨花掃地，韶華長似水歸川。覩顏強作迎

人笑，只恐人前自少緣。

餘杭舊游

憶入餘杭未二毛，海蒼天碧極周遭。潮迴禹穴胥濤壯，峰挹吳山

鷺嶺高。天竺香雲三佛院，西湖明月兩詩豪。如今老去艱行步，猶

向秋風永夜號。

雜感

去年臥病勢張皇，五月初陽未起床。誰許塵軀消溽暑，猶持餘算

耐嚴霜。不能學易嗟叢過，遂愛吟詩任宿狂。收得修金三十貫，聞

調犬駿興鷹蒼。

本身設帳人家

自慰

禍福無須問，塞翁安排造化有天公。眼前色相真成幻，世上繁華總是空。作苦何妨甘守黑，愛花不為惜殘紅。半生消受清閒慣，雪裏素安避熱中。

寒食聞野哭

寒食清明雨未收，何人痛哭到山邱。千迴已逐愁雲斷，百轉空隨怨水流。生熟無情憐草木，死誰有鬼續溫柔。勸君莫洒東風淚，促起黃泉永夜憂。
人死不能無憂何
可再以哭聲促之

駐紮陝甘

節鉞頻年府幕開，軍門呼諾勢奔雷。風吹鼓角三邊壯，霜簇刀環九道哀。陰算幾經屯馬邑，膚功猶未奏龍堆。虎頭不是封侯骨，那箇書生投筆來。

樓居不便思闢一室為娛老之計

闢得榻廬容膝新更為布置費沉吟花天愛種忘憂草露地思鋪

醒醉茵可免烹茶挑遠水何須乞火撥芳鄰夜來邀有半櫺月長

籍清光照老人

向有一魚躍破水中天句忽憶及再作起句成七律

一魚躍破水中天野樹棲雲草宿煙雁齒遙遮新漲畔虹腰近跨

斷塵邊雙丸日月隨流碎萬點星辰逐浪邊爭是持竿危坐日無

聊憇思正纏綿

送鶴林上人退住真身寺

送君避累住隆山卅里非遙相望間可有楞嚴超我老空無寶笈

渡人間歧途分手心難恕古剎安眠髮未斑他日過從遠念舊豈

真僧信兩緣慳

咸陽

函關東啟一丸封，王氣咸陽會有終。
變法李斯難立業，輟耕陳涉

妄邀功，五年未定干戈劫。
十壁先分楚漢雄，風雨二陵收骨後。
帝

都千載冷秦中。
張肯堂號韻淵華亭人遺一孫茂滋旋以瘵卒

監國舟山有蓋臣，雪交梨下贖完身。
死忠死孝千秋節，全受全歸

一代人，家國兩亡海若暮。
妻孥同日杜鵑春，他年嗣續仍難繼。
百

折忠良倍苦辛。

人生做夢

人生萍水偶聯踪，父子妻孥想像中。
是處遭逢是處散，一場作合

一場空，喬松有蔭釵催雪。
穉竹多姿籜掃風，大覺方知大夢醒。
莊

生說理不相蒙。

浙江省立嘉善縣教育會

近體詩五律

文丞相祠前浩然樓

浩氣文山足、江邊聳一樓、辦香留片土、節義重千秋、天地無私塞、

江湖不阻流、後人偏附會、却與十姨伴、又郡人為孟樓誤矣

錦雞

彩尾壓朱冠、朝飛露未乾、千尋窺日脚、百尺下林端、求牡聞嘹唳、

稱兄認羽翰、兒童休見怪、曾向畫中看、

落葉

木葉蕭疎處、嚴寒霜壓翠微、一冬終古恨、萬象轉回機、薄植操難耐、

長林影漸稀、芸生日憔悴、大道在知幾、

席上食細蝦寄感

後世法網密、江湖盡劫灰、巨鱗方倖脫、小醜乃罹災、味比江瑶美、

目從水母來登筵供大嚼一面竟無開

文文山

宋室陷危日忠臣一片心南疆依一旅北關抱孤枕肝胆撐天地

搜得

文章壽古今浩然存正氣張陸共知音

搜得新奇句清妍味入微香餐霜菊晚冷咽雪梅肥有恨懷知己

劉裨

無車轆野扉空留暮景在危坐思依依

劉裨非真蠢粒愚為保身世無亾國主再見故鄉人燕子曾辭壘

過函谷

鶯兒尚戀春祖宗卯墓在卻正信云云

新工... 卷之七... 黃... 道...

雪白壓秦山、老子青牛過、尋常便往還、

道逢故僕

身世田園換、閒居用自羞、人誰憐白髮、我尚認蒼頭、面貌猶然古、

功名訊不休、皺眉無限態、嘗替主人憂、

巾幗英雄識、釵環甲冑身、沙場膽女將、繡閣出功臣、卧虎偕儔侶、

騎驢契隱淪、風波三字定、湖上共逡巡、

馮婕妤

態逸勢倉皇、宮人孰敢當、貞心參斧鉞、艷質厲風霜、位備昭陽重、

功爭巾幗光、得人知便止、斯語羨堂堂、

班姬

史籍扶風擅、文章奪鬼神、兄真大手筆、妹亦女功臣、兩漢無雙品、

千秋第一人續將未竟業絕學有傳薪

涼州法曲

坐嘯為何事將軍恣盛游干戈真莫定
絲竹任勾留儒將邊陲少
通侯彈板優窺茲山水譜一曲古今愁

孤燕

往歲庭前燕朝朝欵我扉推殘嗟失侶
孤苦悵無依霜夜單身去
花天隻羽歸故人恩義重不忍更雙飛

送燕

燕燕天涯去江南悵落暉花前扇白屋
巷口寂烏衣風厲須防護
途窮莫亂飛明年春社到為爾啓柴扉

紙鳶

楮國胚胎巧淇園骨相工
半天騰宿鷲十里逐征鴻
妙想空空手

輕浮面面風、繫來憑一線、不待羽毛豐。

海市

風雲驚變幻、城郭倏綿延、近眺渾無地、高瞻別有天、此中真水國、是境總神仙、雞犬淮南放、喧填到耳邊。

顏垣

今日籐蘿地、當年花柳村、將毋經喪亂、賸有舊牆垣、碑斷填新宅、槐枯認古園、此中飢餓者、羞道是兒孫。

商山四皓

漢室有四皓、名落巢許後、高祖不能臣、太子偏得友、安劉仗平勃、先生難援手、區區弄戚妃、商山為顏厚。

康樂巖

晉代高明客、東甌作宰身、一官恣吏隱、眾壑闢幽真、鬼斧神工鑿

鑿

奇若恠石伸物情有顯晦雁蕩未躬親

栽松種竹

毫末成蒼松、穉子變箐竹、當未樹立日、安保無傾覆、雨露夜以滋、
驕陽日以曝、相隔無幾時、何蒙待刮目、

雜感

秋柳鳴寒蟬、聲鬱韻不揚、晚菊宿倦蝶、露重翅耐涼、物情還節候、

舉止恒乖張、人生當末路、詩酒寫憂傷、

此行將萬里、為別動經年、國朝周篔送友入楚白也、予深傲

作

萬里送行客、驪歌腸斷聲、驛亭春草綠、閑塞暮雲平、知己難為別、
離懷無限情、何當重聚首、風雨續前盟、

寒林霜信

楓葉飄零處，霜天物候更。
一冬今古恨，千樹別離聲。
無限憂思結，尋常煩惱櫻。
有懷誰共訴，砌畔草蟲鳴。

鍾山

金陵北郭外，有阜名鍾山。
近鎖吳江口，遠瞻楚塞關。
虎龍隨作抱，風雨掣迴環。
六代繁華歇，詩歌想像間。

行樂君王

竟失長城公，雷塘築墓宮。
刑溝兇子月，隋苑鼠姑風。
死魄游無戚，生魂樂也融。
阿廢留夢境，荒跡兩從同。

鍾情天子

玉樹後庭花，花開滿帝家。
臨春朝滫露，結綺暮棲霞。
背井身雙入，長城號獨加。
風流陳叔寶，楊廣擬還差。

哭燃孫采鳳孫女兩小孩

未到三生石，何知來去因。
猜疑誰解我，慰藉枉由人。
緣短思逾厚，生微愛倍親。
嗟嗟雙孩子，長使淚沾巾。

有憶

竟自百年別，何無一夢通。
形埋荒野外，衣檢古箱中。
芳草三春綠，燐光五夜紅。
更深斷續淚，檐溜滴淙淙。

秋後螢

秋老螢無依，孤飛入夜遲。
露零三徑閉，霜冷一心癡。
每欲穿簾幙，仍然落路歧。
殘光來復往，誰與訴憂思。

宏博開科

宏博初開運，文章海內宗。
布衣亦華國，耆舊更攀龍。
玉殿傳金簡，紅泥肅紫封。
後王循故典，雨露又重逢。

石蘚

古石叢生蘚團團露幾斑
蟻紆窠窠外徑
蝸曲舍中闌
根淺偏能活
形平竟作園
名花多摧折
讓爾得幽閒

書生吟

不解趨炎熱
書生傲上公
持身容守拙
得白不求工
老至逾耽寂
年來不諱窮
一編恆兀兀
儒素舊家風

近體詩五絕

樵徑

紅日下高天
白雲歸幽谷
樵徑人踪稀
鳴鳥自相逐

啼鶯

綠楊三月暮
紅雨一簾新
啼鶯剛入韻
妒煞聽鶯人

俯瞰

登彼北邱隴
叢巖自起伏
幽人時不見
山雲低相逐

温州府志

晚秋即景

朝雨掩雙扉，空梁少燕飛。
自從秋社後，村上醉人稀。
木葉下寒皋，游人興不豪。
吳江憑吊處，烟雨又周遭。

行行

行行殊未得，金甌起西北。
明月照空山，寒林染秋色。

惜福

人生少煩惱，不榮亦不辱。
莫作奢侈想，折盡平生福。

去思吟題詞

去去欲何之，留人去後思。
平生無事事，曠有寫情詩。

蘇子卿歸漢

蘇武手中節，李陵梁上詩。
兩人此一別，終身無見時。

鶯梭

溫州市圖書館

WENZHOU LIBRARY

庭柳織鶯梭，吾家文錦多。
羅雲秋更薄，枉自滿銀河。

歸雁

白石灘頭月，青峰雲西外天。
清光遠四照，歸雁一村邊。

暮春口占

芳草延生綠，鶯花漸落紅。
欲留遵暮景，且借子規風。

王維

唐詩非不才，明主嘗不棄。
心耽南山麓，傲廬得安置。

見靈中骷髏

骷髏不戴肉，莫向霧中哭。
消得假言笑，還我真面目。

寒梅着花未，四句為作答語

寒梅已著花，花對綺窗斜。
主人尋梅去，春來不在家。

食芋口占

溫州市圖書館

WENZHOU LIBRARY

芋魁大如斗，懶殘今何有。心慕李長源，自傷蒙白首。

昔人咏孤燕，詩有故人恩。義重不忍更，雙飛白仿作。

元鳥尚知義，孤飛二月還。豈無年少子，風雨隔關山。

霜熟

霜熟天遺煖，冰銷水尚寒。村庄小兒女，擁絮倚闌干。

驚世

脫魚游深水，傷鳥飛遙天。天水不空濶，釣弋起目前。

執紼有感

我亦為人子，虞歌不忍聞。十年傳極處，泪眼望白雲。

溫州府志

WENZHOU LIBRARY

浙江通志卷之...

浙江省立圖書館藏書



温州市图书馆

WENZHOU LIBRARY

摘句

儘多白髮消殘歲，可有朱顏換老容。
村頭消遣

月可照書光已冷，詩堪醒夢句難工。
秋夜納悶

無福文章遭白眼，有情花木寄青山。
消愁吟

此去千年空有語，再來萬貫竟無纏。
放鶴

集韻夫妻反目少，窮愁兄弟鬩牆多。
贈人

六更老鶴驚殘夢，萬里寒砧起暮愁。
秋夜偶詠

自古不無軍化鶴，只今惟見幕棲鴉。
潼關

千古綱常爭一死，兩朝經略誤先生。
洪承疇

稽古人無輕管樂，論功我亦愛蕭曹。
乾國世局

數聲蘆管風前度，幾處晴霞嶺外平。
夜泊楚江

雲吞斜月猶橫郭，嶺秀孤松欲度烟。
鹿城早發

溫州府圖書館

WENZHOU LIBRARY

浙工專反舊書校印事已至書庫云云

| | | | | | | | | | | | |
|----------------|----------------|----------------|----------------|----------------|----------------|----------------|----------------|----------------|----------------|----------------|----------------|
| 英雄未路惟詩酒山水餘生賸釣游 | 有廬坐老休言敝無穴寓金且學廉 | 江氣遙連雙塔雨海氛高接一天霞 | 骨肉一家終戀戀仙凡異路思依依 | 一樹枯楊懷舊綠九秋殘菊賸餘香 | 花自戀春春忽去人多厭老老偏來 | 真債累兒猶半福有山埋骨不全貧 | 右軍去後西風冷張旭顛餘夜月秋 | 圖籍千秋芳草泪文章百氏夕陽烟 | 牛嶺夕陽虹影短滿江紅葉雁聲多 | 行李一肩游子淚郵亭千里故鄉雲 | 鳥喧凍雀爭棲樹獸走寒狸尚避人 |
| 寫懷 | 詠懷 | 登甌城西閣堞樓 | 藍関阻雪 | 把鏡 | 贈友 | 冬夜偶吟 | 筆塚 | 字塚 | 秋晚即景 | 送余紫石應試北闈 | 西山晴雪 |

温州市图书馆

WENZHOU LIBRARY

有節即爭頭出地虛心便可勢凌雲

幾處沙鷗浮曲岸一雙野鶴下庭除漫真

市中競逐魚蝦業世外爭開名利場登江心寺浮圖

何必客來思盡醉寧云翁老不澆愁新酒

海雨挾風天色黑山雲歸岫日光紅登澄觀樓

北方專聞新留守南國平章舊黨人福王南渡

定到不明忠自雪和非用殺議難成岳墳

忠肅深冤隣死後清涼舊恨抱生前岳墳

刀下成神父子泪井邊死孝女兒心岳墳

晴日荷錢恣買水雨時柳絮倦牽風初夏

未乾曉露溪途滑繞挂村帘酒店開村頭消遣

小犬驚人迎客吠母豚覓食引兒還同上

溫州府志

WENZHOU LIBRARY

新上...

賜帛今朝權割愛、聞鈴他日漫題詩、馬堯坡

識字兒孫皆豚犬、讀書門第雜茆菅、吳詩

高士忽從塵外至、美人恍向雪中來、十月梅花

行脚高僧方入定、出塵野鶴自偷閒、九山第一

茶香^桑影鄉閭畫、酒意花情仙佛緣、鄉村偶與

涼颼力猛能欺酒、荷芰香濃欲染衣、暑夜偶坐

神裏一椎孝子膽、胸中百代蓋臣書、黃蔡洲

幾樹黃柑深透日、半山烏桕飽經霜、批游道中

沙上泥凝慵浴鴨、林間風疾倦飛鴉、嚴寒

野樹宿雲朝未散、溪崖傍水夜還深、白雲寺散步

卷



温州市图书馆

WENZHOU LIBRARY



温州市图书馆


WENZHOU LIBRARY

卷



温州市图书馆

WENZHOU LIBRARY



0193